

錢氏小兒直訣一卷

薛氏醫按

采錢仲陽著

閻孝慈校

明薛已註

魏元校

脉法

脉弦急

氣不和

脉沉細

為寒

脉亂

不治

脉促結

虛驚

脉浮

為風

薛按脉者人身之造化

為寒之先見用藥之準繩

不可不先明諸心者也

前看虎口食指寅卯辰三關以驗其病脉紋從寅

關起不至卯關者易治若連卯關者難治若寅侵



校註錢氏小兒直訣序

古諺有云。寧醫十男子。莫醫一婦人。寧醫十婦

醫一小兒。男科之難。昔有自矣。小兒六歲口

不載。以乳下嬰兒有病難治者。皆爲無所承據也。中

古始有巫方氏作顛顛經。以占天壽。判疾病死生。而

小兒方行焉。逮於晉宋。江左蘇氏。齊之徐王。歟能相

傳有驗。而後踵武厥科者。則不止於一家矣。至宋神

宗時。有太醫丞錢仲陽氏。貫陰陽於一理。合色脉於

萬全。偉論雄才。迥邁前列。可謂傑起而振出者也。門

人閻孝忠。記其典要。緝成直訣若干卷。而旁釋之色

脉症治無遺漏矣。先君嘗語余曰：幼幼之藥，宜善調之。古謂小兒爲芽兒，如草之萌，如水之漚，故其命方曰保嬰。曰全芳者，蓋不欲以峻攻耳。錢氏之瀉，可以日用。錢氏之方，可以時省也。愚服膺先人之言，僅有年矣。遇施之治，有一得驗者，輒自識之，用補註於錢文之下。同幼其幼，不敢以繁亂朱，以薰並蘭也。非特以錢氏峻攻爲不可用也。視古旣遠，元氣亦殊，不欲直施之於今耳。敬以一得之愚，附續貂尾，更覲明哲者正諸時。

嘉靖辛亥孟春前奉政大夫太醫院院使薛已謹書

錢氏小兒直訣目錄

卷之一

薛氏醫按

診察脉色

脉法

面部症

目內症

五臟虛實寒熱

心臟症

肝臟症

脾臟症

肺臟症

腎臟症

變蒸

薛氏醫按

小兒直訣目錄



五臟相勝

肝病秋見

心病冬見

肺病春見

腎病夏見

脾病見四季

驚風

急驚風症

慢驚風症

胎驚風症

發搐

早晨搐

日午搐

夜間搐

傷風搐



傷食搐

百日内搐

癩癇症

心癇

肝癇

脾癇

肺癇

腎癇

諸瘡

痘疹

丹瘤

傷風兼變症

貪睡

手足冷

自利

腹脹



吐瀉身溫涼熱

熱渴

諸經發熱

潮熱

壯熱

風熱

溫壯

卷之二

吐瀉症

夏秋月吐瀉

傷熱吐瀉

傷冷吐瀉

初生吐瀉

咳嗽症

八九月間嗽

十一月嗽



五七月間嗽

卷之三

諸疳症

肝疳

脾疳

腎疳

腹痛腫脹諸症

積痛

脹喘

五臟雜症

心疳

肺疳

無辜疳

附

蟲痛

腹中有癖



喜汗

盜汗

胃怯汗

六陽虛汗

夜啼

驚啼

撮口

弄舌

解顱

胎肥

胎熱

胎怯

急乳不下

龜胸龜背

腎怯失音

黃病

黃疸

胎疸

行遲齒遲髮遲

目錄

畢



錢氏小兒直訣一卷

薛氏醫按

采錢仲陽著

閻孝慈校

明薛已註

魏元校

脉法

脉弦急

氣不和

脉沉細

為寒

脉亂

不治

脉促結

虛驚

脉浮

為風

薛按脉者人身之造化

為寒之先見用藥之準繩

不可不先明諸心者也

前看虎口食指寅卯辰三關以驗其病脉紋從寅

關起不至卯關者易治若連卯關者難治若寅侵



卵卵侵過辰者十不救一其脉紋見有五色如因驚必青瀉痢色紫當以類而推之一歲後則可用一指轉側辨其三部脉弦急浮沉四五歲後脉七八至而細數者爲平九至者傷十至者困六至五至者爲虛爲寒弦緊者爲風癰弦急爲客忤其變蒸者脉必散亂骨間有熱脉則沉數若浮而不調爲鬼崇浮大而數爲風熱伏結爲物聚微細爲疳積爲腹痛浮而洪爲有蟲浮而遲爲胃寒此論脉之大要耳然小兒血氣未實驚則氣散氣散則脉亂矣又當參以三部五脉三部者乃看面上氣色

虎口脉紋寸口一指脉五脉者上按額前下診太衝并前三部謂之五脉也治法雖分虛實然實者病氣實而形氣虛也虛者形氣病氣俱虛也經云真氣奪則虛邪氣勝則實又云虛則補其母實則瀉其子東垣先生云形病俱實當瀉之形病俱虛當補之

詳見後圖下

面部症

左腮爲肝右腮爲肺額上爲心鼻爲脾頰爲腎若色赤者熱也宜隨症治之

薛按左腮屬肝其色青者爲順白者爲逆若色赤

主肝經風熱發熱拘急。青黑主驚風腹痛。淡赤主潮熱痰嗽。右腮屬肺其色白者爲順。赤者爲逆。若赤色甚者主咳嗽喘急悶亂。飲水傳於腎則小便赤澀。或淋閉不通。額上屬心其色赤者爲順。黑者爲逆。若青黑主驚風腹痛。瘈瘲啼哭。微黃主盜汗。頭髮乾燥。驚疳骨熱。鼻屬脾其色黃者爲順。青者爲逆。若色赤主脾經虛熱。飲食少思。深黃主小便秘而鼻燥衄血。額屬腎其色黑者爲順。黃者爲逆。若色赤主腎與膀胱有熱。而小便不通。

目部症

目內色赤者心實熱導赤散淡紅者心虛熱生犀散
青者肝實熱瀉青丸淡青者肝虛熱地黃丸黃者脾
實熱瀉黃散微黃者脾虛熱益黃散白而混者肺實
熱瀉白散目無睛光者腎虛也地黃丸主之

薛按目者五臟之精華各有所主白睛屬肺黑睛
屬肝上下眼胞屬脾紅脉屬心瞳人屬腎此五臟
之正色也然白睛本屬肺而見紅色此心剋肺之
賊邪也見青色此肝乘侮之微邪也見黑色此腎
乘肺之實邪也見黃色此脾乘肺之虛邪也餘倣
此

五臟虛實寒熱

心主驚。實則呌哭發熱。飲水而搐。虛則困卧而悸。○
心熱則合面睡。或上竄咬牙者。導引散主之。○心氣

實而喜仰卧者。瀉心湯主之。

薛按前症。若心小腸實熱。宜治以前藥。若心脾血
虛。用五味異功散。加當歸。若因心血不足。用秘旨
安神丸。若肝心血燥。用柴胡梔子散。若因肝心血
虛。用六味地黃丸。若因脾虛。食鬱生痰。而驚悸不
安者。宜用四君子以健脾。神麴麥芽以消導。山梔
柴胡以清熱。如用前方。病氣雖去。前症仍作。急調

補元氣。或反甚。急溫補元氣。凡此多因妊娠。七情。或小兒乳哺失宜。或乳母飲食鬱怒所致。病氣既見。形氣已虛。必當推其所因而以助胃壯氣。爲主。佐以治病之劑。爲善。餘倣此。

肝主風。實則面青。目直。叫哭。壯熱。項急。頓悶。虛則咬牙呵欠。○肝熱則手尋衣領。及亂捻物。瀉青丸主之。壯熱飲。喘悶瀉白散主之。

薛按前症。若肝木實熱生風而自病。肺金實熱而尅木者。宜用前二藥。以瀉其邪氣之實。若肝經風熱而木直等症者。用柴胡梔子散。以清肝火。加味。

四物湯以養肝血。若腎虛而咬牙諸症者。用六君子湯以健脾土。六味地黃丸以滋腎水。苟不審其症之虛實而妄用前藥。則虛虛之禍不能免矣。肝有風則目連劄。得心熱則發搐。或筋脉牽而直視。用瀉青丸以治肝。導赤散以清心。○肝熱則目赤。或兼青發搐者。亦用前二藥。風甚則身反張強直。用地黃丸以補腎。瀉青丸以治肝。

薛按前症。若肝經實熱而自病。宜用瀉青丸。若肝經血燥而自病。用抑肝散。腎水虛不能生肝者。宜用地黃丸。若脾土虛不能培木者。宜用六君子湯。